



浙江圖書館



浙江圖書館



浙江圖書館



浙江圖書館



浙江圖書館



浙江圖書館



浙江圖書館

晉江孝女廟誌卷九



撫浙使者阮元鑒定

官

仁和金廷棟編輯

國朝題詠

謁孝女祠

浙江巡撫

桐城方觀承

握登山外舜江沱千載崇祠拜孝娥
湖正高時類鶴鷺衣當沈處走蛟鼉
珠宮夜濕鮫人淚芷岸朝淒楚客歌
薦罷青蘋摩薛壁靈碑漢晉兩無訛

山陰道上集句

浙江學政

臨川李友棠

盡入新吟境鄭谷長疑畫不成杜牧江帆衝雨上

李端山策逐雲行釋皎然碑缺曹娥宅劉長卿溪

連句踐城張祐千巖兼萬壑方干何必往蓬瀛李

父

拜曹娥廟并弔從祀姝娥諸娥敬賦

烏程夏煜宁枚

孝行格天人孚感徧下上當漢漢安閒俗尚娑娑
舞江上迎伍君善舞稱娥父一舞波臣愉再舞陽
侯侮載沉復載浮墜淵及深浦娥年未及笄號泣

江之濟一旬又七辰直走天吳府河伯豈不仁憫
娥相慰撫奉屍出水宮娥孝誠天賦其時合長賢
名尙姓日度立廟祀江滸歌笙而擊鼓歷晉唐宋
明祀典記宗誓八字黃絹碑五色雲箋組黍稷薦
馨香籩豆兼簋簠慨夫人世人胡不念岷岫在天
光有三在人倫有五聖人著爲經君子行其素娥
豈讀書詩亦未就師傅所發本性成所性本孺慕
感發有朱娥十齡救祖母挽衣抗朱顏力盡櫻兒
斧配享曹娥祠辦香分半炷亦越明之初諸娥甫

離乳父兄罹雉羅日夕切悲楚零竹赴建康釘版
竟不怖孝哉女八齡成仁義亦取三孝鼎一堂崇
奉分堂庶年年社會聯龍舟競月午嗟茲入廟人
何以如列堵毛裏各有天娥繫倫常矩廟乘此編
摹精靈集圖譜



弔越州曹孝娥

東莞

林貽熊

吁嗟乎江之水汨汨滔滔亘萬里吁嗟乎江之娥
轟轟烈烈如山河娥生十四供女職而翁好神神
所暱巨鰲噴薄成風濤浮沉七尺無消息娥也籲

天天不聞血淚潮生江水赤不能仗劍斬蛟雪父
仇親骨寧甘鯨鯢食玉釵瓊珮墮無聲青天欲霾
白日傾精誠震撼鼉鼉窟負屍踴躍浮滄溟吁嗟
江兮何翻覆洶湧奔騰橫地軸羽山圯族化黃熊
幹蠱于今垂禹服三閭辭賦日月光鴟夷莫掩吳
門目茫茫今古幾人存況乃維持在閨淑獨迴狂
瀾障百川至性所格無重淵世人盡得如娥孝鴻
溝巨壑應無權惟娥浩氣凌千古峩峩廟貌臨江
浦陽侯海若本仇讎今日朝宗盡首俯海錯惟俱

菽水歡魚龍喜傍班衣舞樓臺隱隱氣如虹鸞簫
直奏唐虞風士民稽首頌至德吁嗟乎江兮千秋
萬世無終窮

題曹娥廟

贈昭武

將軍會稽沈廷松

何事虞江頓易曹千秋靈傑適相遭博平立廟誠
賢合子禮為文信譽髦怨鳥奚須啼墓木愁雲不
用鎖江臯此心此理終無異累代皇恩有特褒

題曹江

浙

沈廷梅

五月江潮不可聞沈竟千載向誰云神巫何意仇

河伯幽恨難消怨伍君春漲盡從血淚積秋濤猶
帶哭聲殷巍巍古廟臨清瀨榆社何人不薦芬

謁曹孝娥

大學士
會稽梁國治

靈旗縹緲大江東俎豆千秋拜漢宮
載蹟碑傳黃絹語思親淚灑夜潮風
上書北闕緹縈異啣石西山精衛同欲識神光何所倚亭前雙檜夕陽紅

紹興郡守

王吉武

孝女江邊水咽悲蒼涼祠廟枕江湄
失聲尙灑千夫淚絕妙惟傳百代辭
日落風生蘋藻動月明潮

上珮環移何年魏武楊脩過竝馬摩挲幼婦碑

重過曹娥江

浙江布政使

謝啟昆

浦陽派別水經收澤浸三湖綠萬疇媯汭虛傳握
登降虞江合有孝娥投無雙妙語摩黃絹兩度秋
風巴白頭櫺嶼筠篁青夾岸踏潮人唱木蘭舟

謁孝女廟

會稽知縣

鄱陽 余名暨

為憐父命喪洪濤旬七江頭日夜號精衛難忘仇
海若靈均有感賦離騷墓前草色春風碧亭外潮
聲秋月高今日一堂供孝享晨昏定省聽蒲牢

孝女祠

浙江鹽道
天津張逢堯

曹娥十四死江鄉
烟水茫茫臥絹黃
總為天親魂不散
蛟龍清夢繞爺孃

三尺斜陽下古祠
千秋靈氣草離離
多情獨有東

山月仍照江千度
尚碑



渡曹娥江

山陰知縣
滿洲舒瞻

客裏重為客
虞封路乍經
波澄千頃碧
山擁四圍青
漢碣知何處
江聲不可聽
故鄉回望遠
七十五
長亭

曹娥廟樂歌三章

前人

曹娥自漢元嘉元年上虞長度尙命弟子
 邯鄲淳作爲碑文貞孝之迹始彰由漢以
 來代著靈異載在祀典元楊廉夫嘗撰長
 歌以序其事而樂神之曲缺焉爰取古人
 迎神送神之遺作樂歌三章俾民歲時歌
 之以祠孝娥其詞曰

靈之來兮洪波兮靈兮
 靈兮沈祠門導雲輶兮靈
 旗翻恍玉貌兮瓊珊珊痛父屍兮淵齋哀孝女兮

貞魂昭於靈兮芳潔永報祀兮勿諛心屏營兮肅
明禮靈格思兮福吾民

館

靈之留兮揚葆羽續晡暖兮卷靈雨檜陰陰兮翳
堂宇瓊筵陳兮雜糗救尊進酒兮篋陳黍女巫歌
兮奏簫鼓羌難得分更覩縷休明德兮身終古伊
誰侍兮朱諸女靈醉止兮樂無所

靈之去兮將安歸望宵冥兮颺烟馳駕華駟兮從
文螭翩然而逝兮不可期空亭颯兮風披帷波渺
渺兮山簷簷徧於越兮邀神釐更千禩兮莫吾欺

靈遙逝兮民事思

曹孝女廟三首

山陰 徐聯奎

孝女終天恨有如江水深潺湲流不盡嗚咽到於
今記事蔚宗傳揚芬度尚心色絲碑上字風雨不
能侵



懷石魂難返乘潮怒未休孝忠同一性閨閣獨干
秋此地英靈駐于今祀事修鈿釵倍欣慕藻菜蘋
江流



每過渭陽里言尋江上祠
余舅氏沈為曹江著姓每涉其地必拜祠下

曉風吹古燧落日照靈旗憑弔情何限馨香報自
宜人閒不朽事豈盡屬男兒

孝女廟新拜 朝封沈祠村屬賦

前人

自昔江頭殉父身誰知身卽此江神大都天上風
雲使總是生前忠孝人先代石餘黃絹古 皇朝
書降紫泥新冰夷此日應低首不獨鼉鼉氣已馴

拜孝女祠

浙 會稽 史上善

不聞曹大姑文章彪炳輝球圖不聞曹令女義烈

慷慨泣風雨二女爭如孝女賢至性直欲彌坤乾
含靈秉粹翳獨秀蹈和納順方髫年天基之芳墜
其潔陔蘭不榮椿樹折飛鳧倒落空婆娑海若前
驅肆奇譎腸斷江臯長慟聲鮮民哀重此身輕願
與湘妃矢明約肯憑水伯丐餘生聲聞神襟一朝
隕老龍不吟山月冷苦志寧輪解髮瑩清風不數
摩笄嶺從此徽音奕禮新生爲孝女沒爲神褒封
不始唐與宋祈報靡爽秋復春我朝禮秩邁前
憲況娥實維邦之媛置臣上請帝曰俞福應雨

宇荷 天眷龍章鳳綉光熊熊 聖恩下順羣情
同豐融盼蠻盛歲祀恍見靈旂翔太空我來再拜
瞻崇宇奠以椒醕神勿吐大瀛如鏡報安瀾神是
中流一砥柱

大雪渡曹江

圖

錢塘 陳光典

征人苦風雪濟渡過江邊碑憶題曹字舟行訪戴
天迷離辨野樹料峭望炊烟到岸重迴眺山容已
皓然

弔曹娥

江都 詹元杏

曹娥廟記 卷九
抵死衝波出父屍迎神最痛沂濤時千行淚湧處
江水八字碑傳幼婦詞沉芷擷來難竝烈蓼莪歌
罷更長思鬢眉不少成仁事爭似釵鈿樹立奇

曹娥廟

書

烏程

張

鑑

鳳皇山色剡溪東花草千年記殯宮文鯉乘潮來
北渚靈旗帶雨捲西風迎神曲在清商改幼婦碑
荒古渡空欲向秋旻薦香芷一江寒浪曉濛濛

校曹娥廟誌有作

浙

山陰

鍾廷銓

江聲礮礮江浪轟奔騰勢欲翻地軸老巫午日乘

溯行顛簸中流舟忽覆賢哉有女至性成連朝坐
向江頭哭哭罷翻身赴急湍足踏層波猶平陸深
人珠宮誓冥搜蛟螭遠避龍鼉伏父屍手捧出重
淵生雖未全得瞑目而今廟在江之濱星珮霞帔
臨肅穆鼻鼻嗟峨漢代碑我來剔蘚從頭讀白雲
飛處是親廬底事游縱日奔逐定省常虛晨昏期
旨甘未博升斗祿春暉一刻抵千朝養親悅親事
誰屬寒燈如豆暗風侵重展新編淚盈掬

孝女頌

會稽 史致霖

皇帝御極之十有三年，置吏以孝女曹娥狀上聞，奉旨加封如制。猗歟偉哉！孝竹蕤筠，浮音振越。貞松秉烈，流潤飛津。庸行以危，苦成奇潛。德惟褒榮，益顯於以風。勵末俗，激揚淳風。雖有美之必彰，實於斯而爲盛也。孝女毓德素里，降芬瑤臺。徽華早茂，不爭艷。咏椒花愛敬，天生長奉慈幃。椿樹而乃瓊瑰，見祟泣已盈懷。油絲翻濡，絲難續命。爲招屈子之魂，竟蹈陽侯之厄。孝女誓不欲生，毀而滅性。撫膺恫慄，則猿鳥含悽。洒淚蒼黃，而山河變色。

欲借水犀之弩怒射寒潮恨同精衛之寃飛填少
海視死如歸一身赴義天乎太酷命竟何如古有
廢蓼莪之咏勵金石之貞淳于少女詣闕哀鳴謝
氏小娥託傭寫忿徐彩鸞之奇節拾炭留吟叔先
雄之苦心沉湍兆夢名教尙存乎巾幗德音允式
乎閨門要未有柔姿婉孌纒及應貞講義之年氣
節欽寄居然黃鳥浮灘之烈此則採之謠俗旣已
尠聞攷之史歲亦所僅見蓋純懿本乎性成故貞
厲能以義起宜其光昭日月震駭雷霆篆茗華之

言身之... 卷九
玉奕禩載馨流彤管之音寰瀛頌德矣

天子式光孝治洪鬯醇儀樹倫物以風聲卽惇庸
爲彝訓褒茲懿烈錫以隆稱從此落星磯畔璇冊
輝煌卽看指石峯前湖山照曜惟大德之必得其
名知孝思之永錫爾類用徵醇粹之光益忭遭逢
之盛焉謹爲之頌曰

粼粼浙水峩峩越峰正氣盤鬱篤生女宗匪緊女
宗實惟民則幼而淑慎嘉此令德嚴霜夏墜蓮恨
終天傷心獨活俯首重泉之土兒生父死兒死氣

烈元冰信如白水龍宮不返墜此幽貞鄉隣掩涕
行路失聲蘭摧彌薰玉折斯續潛靈熊熊英姿凜
凜偉彼昭應靡幽不喬懦由義烈薄以淳澆俎豆
民欽哀榮 天眷 綸誥優揚 奎章增絢辭陳
于吏 詔下于廷 皇詔爾私維德之馨維德之
馨維邦之慶永永萬年拜揚 休命

曹孝女夫人

胡震

扶植綱常孝與忠弱齡死孝格蒼穹慈烏巢鳥原
非一盡在夫人感化中

中郎隱恨世難知操卓交遊事可嘆移孝作忠心
獨感能無低首外孫辭

館

金夏尊

江流北達海門遙欲向江頭誦大招罔兩詎能仇
孝魄尊親端合繼虞姚怨同湘水靈妃瑟憤異錢
塘伍相潮縱使漢碑崇載蹟猶然墮淚洒昏朝

頌曹孝女夫人

沈鳳苞

長江浩渺喪蛾眉俎豆千秋拜孝祠滄海潮來啼
血候空亭月上憶親時封章累賜朝廷詔靈蹟爭

傳絕妙辭斂福錫民今更顯欽看 聖主重恩施

館

沈鶴鳴

閨中毓秀本天姿救父捐軀事更奇豈是曹江分
舜水管教女子勵鬚眉寢門未遂晨昏志廟貌常
因姓氏垂爲問沈衣何處也潮聲上下想當時

曹江堤畔正低徊忽見寒濤湧雪堆只恨陽侯偏
逞虐其憐精衛永啣哀淳碑幸附青雲顯慶典頻
看丹鳳來福應加封綿不朽千秋瞻仰 聖聰裁

頌曹孝女夫人

沈鳳儀

婆婆妙舞從來慣何事憑夷慘喪身但使風濤無
此險古今安得有完人

官

忠孝多因憤激成一時慕義即輕生何如旬七哀
號日抵死洪濤總不更

書

滿腔哀慕有誰知漫說邯鄲絕妙辭上下注頭無
覓處此情此景不堪思

五

宋勅元封俎豆香漢碑明誅儘褒揚而今又沐
皇恩錫靈佑千秋福應長

漸

詠曹孝娥

夏韶泰

孝娥遺廟傍江邊黃絹題辭古蹟鐫拯父一心甘
九死抱尸五日出重淵情同屈子懷沙苦淚比湘
妃染竹鮮競渡婆娑猶似昨臨風憑弔獨潸然

楊大澄

崇祠魏冢歷千春雙檜依依傍二親爲溯哀號旬
七日一回競渡一傷神

推恩捍禦溥深仁宋勅元封簡策新重荷 聖朝
宸翰錫益教士女肅明禋

詠曹孝娥

楊廷標

南江志卷之九 風俗 卷九
握登峭崿舜江長一自更曹姓氏香明發有懷深
不價淳碑未必磬褒揚

官

爲弔忠魂泛畫船頓教弱質抱終天恨深填海踰
精衛材克操舟羨女涓

書

楊舟

葬親日夜哭江干血染蛟宮淚盡丹一自投衣哀
祝後陽侯不許逞狂瀾

江圖

悟主終難破主昏拯親已竟報親恩迄今競渡垂
恩帝應使忠魂讓孝魂

詠曹孝女夫人

金傳久

快觀龍舟弔屈原陽侯倏爾怒潮翻千尋水淹神
巫樂旬七衣沈幼女魂天自有心完孝德身終無
怙洒啼痕江干舊事重回首啣石應呼精衛寃

邯鄲黃絹著奇才莫寫娥心一片哀廟享千秋崇
孝里神依二老護泉臺洪濤舊撼蛟宮去慶典新
看鳳詔來愧我劬勞恩未報林鳥空自誦南陔

金耀祖

填海曾聞精衛強孝娥亦自恨蒼茫未親重賽渡

卷九
古
娑舞空見來遊競渡忙碑載邯鄲文字古江分帝
舜姓名香我今瞻拜溯遺事風木悲深悵夕陽

封孝女夫人紀 恩詩

沈傳芬

宋封元勅漢褒揚純孝于今更有光旣以捐軀全
子職尤能護 國効臣綱靈消沴厲民生厚德沛
江河水澤長謚典崇加彰美報歡呼 萬歲祝無

疆

頌曹孝娥事實并紀 浙 恩封 沈磬濱

髫齡血性本天成罔極難酬怙恃情豈效緹縈甘

就戮肯從精衛可餘生微軀直撼霄濤壯昭質長
涵舜水清想見投衣覓尸處萬人涕淚一齊傾
捐軀賣志漢安時號泣曾無絕命詞夙慧纔經賢
令揭餘哀未罄外孫碑非關姆訓傳閨範應合忠
經作女師宋敕元封寵賁後烏頭緯楔映崇祠
太平十雨五風調況有英靈助聖朝伏虎馴蛟
往日驗作霖拯潦比年饒孝思錫類參三極嘉惠
同民徹九霄懿號近從天上賜歡騰閭里叶虞

詔

曹娥廟

沈呂濱

輝煌祠宇矗雲高
肅肅蒸嘗享太牢
八尺碑文留漢字
千秋題詠繼離騷
亭前檜樹鳴寒雨
檻外風聲湧怒濤
百世朱諸隆配食
里居江水總名曹

曹娥江



沈師曾

洶湧江流溯剡源
朝朝化作恨聲吞
一颿雨挂思親淚
半夜潮還覓父魂
精衛徒然仇渤海
鴟夷應亦撼吳門
最憐晚照飛霞過
疑是當年紅血痕

曹娥墓

前人

牡丹花盡紫荆生開落年年伴九京馬鬣封高蟬
鬢女中郎題顯外孫名空草夜雨來神珮華表寒
風咽哭聲偏是無端春杜宇叫殘愁月雨三更

曹孝女夫人

沈師勳

天教夫人作女師尋親履險竟如夷孝思自與江
長矣福應於今帝命之性烈繼縈陳諫草山隣
舜母著崇祠淳于幸得文章附千載咸歌絕妙詞

詠曹孝娥

沈步洲

婆娑樂舞淹洪濤何處招魂向水號旬七哀求天

意感不教輕死等鴻毛

爲因覓父躍驚湍遺事重來說漢安看到江頭猶
有淚空勞黃絹屬邯鄲

書
沈錦江

競渡依然漢帝時每逢佳節淚如絲縱來絕妙邯
鄲筆難寫尋親一片思

雙雙老檜影扶疎夜半西風泣墓廬聽到樹頭風
不息劬勞重念喚朱諧

浙
詠孝女夫人

沈滋畬

會聞救父有緹榮
全孝何如死孝誠
非是陽侯敢肆虐
祇因上帝欲全名
風來老檜聲如訴
濤起秋江恨未平
漫說劬勞身罔報
天家錫典拜恩榮

紀孝女夫人事實

沈樹勳

投淵救父顯靈通
立德由來更立功
鐵馬驅鱗沈海氣
神燈障水靖江風
免教早魘憂雲漢
寧有河魚嘆鞠窮
錫類孝思真不匱
幼閨千載有誰同

詠孝女夫人

金行儒

婆娑妙舞弔忠臣
未弔忠臣遽喪親
旬七捐軀仇

渤海千秋報德肅明禮何來化鶴歸華表猶見招
魂問水濱信是閨中奇女子風高嬌酒繼芳塵

金澍洋

一自投衣得父屍幼齡千載著神奇江名從此歸
曹氏篆刻于今識漢碑誠感九州崇廟貌魂依雙
檜逐靈旗 聖王以孝治天下特晉榮褒廣孝思

封曹孝娥頌

俞 臨

皇天毓孝女永德不永壽壽永有盡期德永乃不
朽孝女方八齡割股醫病母及慟父沒時號泣浴

江走投江得父屍死乃告無咎俯仰大小千貞烈
莫與偶邯鄲有才子諫筆由巨手議郎默識之黃
絹題碑右到今珍此碑寶之勝瓊玖是皆孝思昭
天長而地久何必比南山且將光北斗令德遠九
霄歷朝頒封綬 聖主詔圖華福應媿天后升堂
歌且謠奉觴醕椒酒

新封曹孝娥福應夫人頌

潘希洽

聖王以孝振綱常表厥宅望千秋芳閨閣捐軀載
籍博何如孝女邁英皇孝女父學婆娑舞五月五

日沈江滸循江號泣復投江不知有身知有父父
兮生我盡孝思淳于作記尙誅之議郎摸索復題
識黃絹永與青史垂古舜江干煥祠廟蒿嶺蘭峯
相環繞聲靈赫濯曆東陽純懿慧感錫封詔比者
江海波不揚靈偕天后遍慈祥信及豚魚驅鱗虎
恩周黎庶協雨暘同儕籲請加封號 帝曰咨予
福應誥年年端午賽靈旗牲醴寧同媚奧竈神所
憑依飾翠華新塗丹牖爛煙霞扶桑浴日五更赤
潮來四壁跳龍蛇我倚靈龕肅瞻仰清秋初霽天

開朗拜手賡颺愧孝思
危言何補洪鐘響

恭紀曹孝娥新

封館

楊思元

純孝同天莫與京
推恩錫類衛民生
山除闕虎林風靜
海扼鯨魚浪勢平
靈雨好滋嘉種綠
塢沙無陷畫帆輕
清時永荷威覃福
宸翰重光仰
聖明

拜曹娥廟誌感

田兆桂

終古曹江水滔滔咽
越州紅顏羞七尺
青史著千秋
拯父悲無策捐軀敢自由
至今隆祀典遺廟枕

江流

但話天中事聞名到處欽靈能馴暴虎仁且降甘霖拜罷有餘痛風多無靜林淳于碑尙在一讀一沾巾

頌孝女夫人新封圖

俞廷璋

孝思光日月廟食享千秋江亦歸曹氏靈其護越州舳艫安利涉陽雨叶時麻天子頒新詔徽音振海陬

丹牘新塗煥日星煌煌鳳詔表娉婷孝思直過

緹縈烈神響還忝帝子靈綺棟雲飛翬五色豐碑
鰲戴鼉千齡外孫蓋白今猶在一曲湖山作畫屏

詠曹孝娥

沈學淦

江水流無盡孝娥德與深投衣當日事慕父百年
心淚帶寒潮上神來老檜陰 聖朝晉諡典四海

仰徽音

曹孝女夫人

勞琦

孝娥生漢紀千載廟江臯至性天可表真誠險不
撓投衣驚魍魎捍患靖風濤空笑懷沙怨徒憐填

海勞淳于留篆筆河女奏雲璈封典恩由宋長江

姓永曹

官

新封福應夫人曹孝女頌

陳 水秋

王者以孝治孝乃德權與事親誠有道惠愛皆其
餘夫人生八齡割股母病除十四嗟喪父洪濤萬
丈與捐軀一以報入水驚龍魚淳碑及范傳載蹟
為不虛吾越嗣音者南齊三女廬禦難鳴冤陷宋
明有朱誥以視夫人孝凡空望歸墟因之以作忠
庭泣有包胥因之以植節子卿北海居因之以成

義嬰杵無齟齬歛福敷皇極民應寧或徐靈及驅
鱷虎水旱灾患紓大孝真不匱錫類長春噓 聖
朝宏化導輿請于此舒我聞 宸綽降趨拜肅慎
慎 至人重至行曠代建旌旗庶皆知事父孝在
福卽寤傳示萬萬世真氣乾坤儲

詠曹孝女夫人

楊紹范

浦江合與舜江長自是更曹名姓香一片孝思何
處覓唐詩晉字漢文章

巍峩廟貌鎮江干諡典崇封始大觀靈爽千秋真

不朽憑誰佳句續邯鄲

讀曹娥碑

館

沈喬升

漫把純修托素毫
聲聲寒雨灑荒臯
滿腔血性幾行字
萬古倫常一女豪
綠蘚蝕殘黃絹謎
青春淚盡大江濤
老瞞八字休相解
須解夫人姓自曹

頌曹孝女夫人

朱應彥

捐軀原不易
出自女郎難
旬七娥心苦
千秋江水寒
碑文傳漢代
謚典肅春官
聖世崇仁孝
榮褒

愈大觀

袁鼎

自是精誠與世殊投江覓父竟捐軀志非精衛寧
填海事異緹縈漫上書濁浪不消純孝蹟靈風長
擁翠雲車 聖朝錫類頒封典正氣洋洋滿太虛

題廟誌後



前人

忠孝本性成正氣非由習卓哉曹孝娥父沈竟絕
粒但求骸骨還不畏風濤急指生遂厥心鬼神皆
飲泣到今二千年愈顯精誠德 聖朝孝治崇
褒封增典秩默化徧滄溟感格昭白日推茲錫類

恩乃見陶鈞力過客動天良題詠久成帙豈獨鄫
鄫碑千古稱妙筆所憂寡見聞縹緲或闕失 中
丞繫念深搜羅裒成集一人一孝心萬川印一月
誦之弗感懷知其負頑質我我越山蒼浩浩江水
碧俯仰天地閒人生貴自立

曹孝娥實錄詩

王 誥

聖世昭靈應於曹紀孝娥若姿原淑慎蕙質更委
佗旣已生蓬華焉知誦蓼莪親闈欣聚順愛日懼
蹉跎由此期恬適胡爲罹轍音泝濤迎伍相按節

快婆娑倏爾遭沈溺慘焉慨汨羅狂奔真迫促拯
救敢延俄湍急尸奚往衣淨目屢睜經旬求未獲
之死矢靡它情似懷沙屈哀深易水軻藐諸憐弱
小烈矣挽江河縣令招魂葬儒林載筆過好辭傳
絕妙立廟傍陂陀座曳鴛鴦幔筵陳鸚鵡螺駝壇
爭染翰貴客雜鳴珂山挹青千疊江環翠一簑當
年殉父處指點向盤渦

詠曹孝娥

沈家麟

舜水源流孝德長未聞立廟祀英皇何期露屋樞

齡女竟紹重華姓氏香

不經憂患不成仁直赴中流挽至親純孝累朝彰

美報重邀

綸綽拜

恩綸

詠曹孝女夫人

沈涵泰

孱齡純孝本天資淚盡江干覓父屍旬七留將真

面目千秋愧煞老鬚眉亭標太守雙株檜碑解中

郎八字辭恨我垂髫曾抱痛哀哀空讀蓼莪詩

沈青震

雪浪銀濤撼地浮舜江曹嬪幾春秋本來巾幗無

雙品自是綱常第一流絕妙爭傳碑記漢尊親已
表父封侯抵今白馬孤臣憤雨咽潮聲過渡頭

梅川分祀曹娥廟新封紀

恩詩有序

山陰

宋

森

詩紀白華美孝子也而其辭不傳東廣微補
之所以教孝者至矣曹江孝女廟始于東漢
元嘉尙誅淳碑輝映萬古嗣是以來詠其事
者未易縷述山陰梅川亦建神廟相傳爲神
避暑之所其說雖近乎附會然神之在天下

如水之在地中無所往而不在則梅川之有
廟宜矣崇奉已久而歌詠闕如甚非所以導
揚至德光昭俎豆也歲在戊辰 朝廷允大
吏之請加 封福應夫人梅川紳耆爰踵曹
江盛舉敬書懿號恭奉座前藝林之士莫不
仰承 聖意競爲詩歌以紀殊典見聞所及
錄而存之附入孝廟誌內則梅川之廟固與
曹江竝垂不朽而神之庇佑者亦無窮焉詎
不休哉

梅川一曲環如帶平楚蒼蒼橫煙靄孝娥遺廟水
之濱遠距曹江百里外相傳避暑此暫留馨香俎
豆幾春秋神所式憑無不在雲旂風旆日夷猶
天子聖仁廣孝治福應榮封昭殊異輝煌懿號懸
崇祠并載恩碑樹屬最從茲佑庇益無窮鏡水稽
山涵蓋中緬溯淳于黃絹碣千年分祀仰高風

楊宗秀

惟漢有孝娥翹然含至性救父竟沈淵純孝見德
行曹江肅蒸嘗祭法得其正分祠在梅川於蠻亦

曹公詩集卷九
三
云盛飛章達九重 帝曰則有慶福應耀新封
棟焉羣起敬勉爾爲子者須各効溫清

潘羽華

立廟梅川上尋踪紀孝娥芳名光簡冊至性壯山
河旬七哀號苦千秋享祀多崇封昭福應拜手續
詩歌

江
孫遴

會說山莊避暑開一灣水碧護樓臺梅川直與曹
江永慶典同邀 鳳詔來

髫年奇孝震乾坤才子碑文憶外孫爲溯千秋旬
七日一盃醽醑薦芳蓀

館

沈商傳

長橋鎖清流神祀昭千古縹緲排旌戟涼風生堂
廡惟娥女孝宗百世誰與偕福應晉崇封綿綿承
天祐我來奠蕉黃羅拜集圭組載頌賢哉辭庾語
中郎補

李積之

曹娥分祀在梅川話說延涼別有天事父精誠盟

白水乞靈香火續前緣封加福應新 綸綽碑榻

邯鄲舊簡編亘古由來重孝道元嘉遺蹟到今傳

朱 雲

淳碑追漢代純孝著坤乾跡肇虞江畔祠分梅墅

邊歷封千古耀加號 九圍宜避暑湖莊靜于今

父老傳

注

曹孝女夫人

何曙暉

浩浩長江水錚錚三孝名青山環古社老檜護佳

城河女歌由舊將軍字已更維馨爐鼎火千載德

如生

館

楊思學

終身怨慕泣于田大孝由來屬女賢江水咸呼曹
比姓碑文上溯漢安年兩楹圖畫丹青古千載聲
名志乘編 綸綍新頒真赫奕鬚眉誰不愧嬋娟
平世瑄

古來豈乏女中賢獨是曹江姓氏傳祇以孝親先
百善永將廟貌盛千年西京文字淳碑烈 聖世
封章 御墨鮮更慶二人同饗祀蓼莪今已定詩

篇

頌曹孝女夫人

官

楊春煦

髫年奇孝號無雙
詎爲殉身怨大江
閨閣千秋超
俊傑聲名永古震
家邦元嘉事蹟人
重憶逸少碑
書筆獨扛最是如
龍亭下檀憑依
靈魄蔭寒窓

經曹孝娥祠

餘姚

俞月颿

古今都曉拜曹娥
其奈完人絕少何
潮咽湘魂同
灑淚年湮河女信
悲歌欽茲巾幗遺
徽遠話到男
兒愧死多我也
蒼姬忠孝喬汗顏
常向月中過

頌曹孝女夫人

蕭山田琳

茫茫世宙同一語只重生男弗重女豈知女子勝
鬢眉鬚眉反無置身處漢安歷有幾千年河女之
歌今尙傳瀟湘帝子久不作從來誰並夫人賢夫
人姓曹翁曰盱解舞婆娑爲神巫巫善祝人難自
祝嗚呼倏與波臣俱天耶命耶藐茲獨旬有七日
循江哭啼殘血淚看魚沈苦心共葬巨魚腹那知
魚腹未可藏磨伏蛟鼉易犬羊蹉跌濁浪負屍出
觀者如堵皆踉蹌博平圍之也惻恤敬醑椒漿埋

玉質死而克拯古今稀
稱謂誠書爾部鄆筆中郎妙
手外孫幼婦大書特書
宣文金石到今傳不朽
嗟嗟孟德何德羞與
為伍結問投衣無論剖股彼
蔑君兮我有父得母同姓
非同祖宜乎福應
勅熙朝居然永作浙東柱
圖

弔曹孝娥

蕭山 楊得仁

褒揚千古孝娥祠
為有沈瓜忠可移
三十里江同慘
切潮聲猶帶哭聲悲
浙

曹娥碑賦

以黃絹幼婦外孫蓋白爲韻

李壽朋

懿惟孝女名媿英皇一朝致命千載流芳令譽早
標于漢代勁節怡著于端陽江上招魂十四齡之
弱質碑中誌美三百字之文章惟孝格天孝因文
而益顯惟文壽世文藉孝而彌光日日江頭人傳
錦繡年年江上月照昏黃恧其筆綴斑毫書成白
練字必千鍾語經百鍊運清思兮如絲掣麗裁兮
若電須倩凌波仙子爲彼倚書還教姑射神人以
之捧硯遙遙華胄直上溯乎周姬綽綽冰姿實允

東坡志林卷之六
稱天邦媛此則何煩譽墓百錢南國之金自足酬
縑千匹東都之絹爾其緬至德兮難彰快奇文兮
立就當仁則不讓于師有才則何論于幼翩翩學
士終軍弱冠之年卓卓名家賈誼明經之秀總使
才如魏朗未敢誇先任他學邯鄲一時居後於
是鏤瓊璧鑿雲根螭蛟蟠鳳踞表厥孝娥之孝
紀以元嘉之元點復點兮淚滴行復行兮啼痕宜
其天祿校書名傳列女水滸配食裳織天孫此固
不媿高才居然老手一辭莫贊惟中郎能題焉卅

皇纒粲笑曹瞞其解否大書八字之文浴誦千人
之口表揚盛美真曰泣竹之夫人髣髴貞靈不類
簪花之小婦泛桂楫兮蘭橈薦秋菘兮春韭波浩
蕩兮龍爲舟歌娑娑兮死爲友看今日豎碑殿側
文可勒銘想當時負父江中力堪舉白洵比潔于
江河允騰光于牛斗者也若夫峩峩珉玉轟轟璇
題摩崖捫讀墮淚悲啼或有功而足錄或沒字而
可稽褒美盡出乎男子頌揚未及乎香閨茲何處
處莊嚴珠幃翠幄家家俎豆玉飯金釐乃作頌曰

有淑女兮窈窕出父尸兮江之補身已殉兮名留
鬼雖小兮墳大屹穹窿兮豐碑鬱葱菁兮雙檜聳
玉殿兮巍巍翻靈旗兮旆旆嗟彼行路之人兮旁
日讀而心會惟茲娥與茲碑兮實千秋其永賴

前題 同韻



陶廷珍

維曹家之嬌女稱淑媛於蘭房世居海國舊住江
鄉織維當戶長僅扶牀眉羞畫月額嬾塗黃少不
耽于戲弄孝自出一天長背面先啼頻覩見爺之
態生男無夢尤矜言女之祥風俗相沿事端多變

筒粽爭投粉團競萬綵繪方璽於兵符畫扇新裁
夫素絹賡屈子之十歌弄長江之匹練伊誰屢鑠
翻來濁浪之中若箇安娑迎入驚濤之面詎意嚴
君忽遭傾覆色變風雲警馳老幼訝滅頂之終凶
悵懷沙之更謬望銀河之烏鵲頃刻難填呼白馬
之靈胥倉皇莫救爾乃捨地悲號投梭奔走泪枯
墮籜之妃慟絕崩城之婦不辭跳躍之深莫待踰
嶼之久入水府而驚扶闕蛟宮而克負謂他人父
知從井而求仁彼蒼者天獨許捐身而不朽青

堪逢豐碑定賴自彪炳于寰宇遂掄揚于閩外
一篇弔古文章綺麗之場幾畫題名珠玉敦盤之
會製哀詞于度尙足增藝苑之光芒假鉅手于邯
鄲一任儒林之沾丐蓋其選詞旖旎琢句清溫雕
蟲技痒繡虎名尊淋漓碑板照耀乾坤想含豪而
墮淚疑染翰而招魂五綵則文成織女七襄則錦
奪天孫巧鬪簪花之格奇呈煉石之痕旣班香而
宋艷亦鼉作而鯨吞乃有中郎隻眼八字新題摩
挲苔蘚索摸招提以澆麥飯手剪霜蘆緬芳徽之

未遠悵陳迹之已迷膾炙逾鮮特留彩筆推敲旣
定不照青藜雖寓三二而字譬豈隱語而無稽變六
體以成書例同射覆台雙聲以造字別露端倪是
卽學究三墳才誇入身去破機關難尋樞紐千秋
索解誰識改頭換面之神一意翻新幾經鬪筭連
環之手諧聲苦魏帝之思五墨洛楊脩之後任配
合于偏旁妙推求于奇耦而文可誦原是鑿心佳
匠還增殊堪掩口奈傳刻之幾番遂沿磨于烏有
藏書之禹穴早失金縢等聚或于岐陽空存石

浙江圖書館

宣統元年 拾月 念 伍日



浙江圖書館



浙江圖書館



浙江圖書館

浙江圖書館善本

000000



浙江圖書館



浙江圖書館


浙江圖書館善本

登記號：020239


一九 年 月 日





浙江圖書館



浙江圖書館





© The Tiffen Company, 2007

TIFFEN Color Control Patches

Blue Cyan Green Yellow Red Magenta White 3/Color Black

Centimetres
Inches

| | | | | | | | | | | | | | | | | | | | | | | | |
|---|---|---|---|---|---|---|---|---|----|----|----|----|----|----|----|----|----|----|----|----|----|----|----|
| 1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 |
|---|---|---|---|---|---|---|---|---|----|----|----|----|----|----|----|----|----|----|----|----|----|----|----|



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black